

醫學綱目卷之二十一

脾胃門

內傷飲食 胎前傷食 百病皆生於痰

〔垣〕飲食傷論 陰陽應象論云。水穀之寒熱。感則害人。六腑痺論云。陰氣者靜則神藏。躁則消亡。飲食自倍。腸胃乃傷。此乃混言之也。分之爲二。飲也。食也。飲者水也。無形之氣也。因而大飲。則氣逆形寒。飲冷則傷肺。肺病則爲喘咳。爲腫。爲水瀉。輕則當發汗利小便。使上下分消其濕。解醒湯。五苓散。生薑半夏枳實白朮之類是也。如重而蓄積爲滿者。芫花大戟甘遂牽牛之屬利下之。此其治法也。食者物也。有形之血也。如生氣通天論云。因而飽食。筋脈橫解。腸辟爲痔。又云。食傷太陰。厥陰。寸口大於人迎。兩倍三倍者。或嘔吐。或痞滿。或下痢腸澼。當分寒熱輕重治之。輕則內消。重則除下。如傷寒物者。半夏神麴乾薑三棱廣茂巴豆之類主之。如傷熱物者。枳實白朮青皮陳皮麥蘖黃連大黃之類主之。亦有宜吐者。陰陽應象論云。在上者因而越之。瓜蒂散之屬主之。然而不可過劑。過則反傷腸胃。蓋先因飲食自傷。又加之。以藥過。故腸胃復傷。而氣不能化。食愈難消矣。漸至羸困。故五常正大論云。大毒治病。十去其六。小毒治病。十去其七。常毒治病。十去其八。無毒治病。十去其九。不可過之。此聖人之深戒也。

經者
內消

傷飲

〔丹〕傷食惡食者。胃中有物。導痰補脾。二陳湯。加白朮。山查。川芎。蒼朮。

〔垣〕五苓散。治煩渴。飲水過多。或水入即吐。心中澹澹。停濕在內。小便不利。

肉桂

兩

猪苓

茯苓

白朮

各一兩
五錢

澤瀉

二兩
五錢

右爲細末。每服二錢。熱湯調下。不拘時候服訖。多飲熱湯。取汗出。愈。治傷冷飲者。煎五苓散。送半夏枳朮丸。治傷飲不惡寒。胸中微覺奔悶。身重。飲食不化者。或小便不利者。五苓散去桂。依前斟酌服之。如瘀熱在裏。身發黃疸。食前濃煎茵陳湯調服。愈。除濕散。治傷馬牛乳酪。及冰水一切冷物。

半夏

湯泡
三錢

車前子

炒五錢

甘草

炙二錢

紅花

二錢

茯苓

七錢

乾薑

三錢

澤瀉

半兩

右爲細末。每服三錢。食前白湯調下。

〔丹〕導飲丸。治水飲。

吳茱萸

三錢

白茯苓

一兩

黃連

五錢

蒼朮

一兩

獨活

七錢

右爲細末。神麴糊丸服。

〔丹〕茱萸丸治飲用六一散一料加吳茱萸一兩水丸服。

〔垣〕酒者大熱有毒氣味俱陽乃無形之物也。若傷之止當發散汗出則愈矣。其次莫如利小便乃上下分消其濕。今之病酒者往往服酒癰丸大熱之藥下之。又有用牽牛大黃下之者是無形元氣受疾反下有形陰血乖誤甚矣。酒性大熱已傷元氣而復重瀉之亦損腎水真陰及有形血氣俱為不足。如此則陰血愈虛真水愈弱陽毒之熱大旺反增其陰火是以元氣消燼折人長命不然則虛損之病成矣。酒疸下之久則為黑疸憤不可犯宜以葛花解醒湯主之。

〔海〕治酒病宜發汗。若利小便炎餒不肯下行故曰火鬱則發之以辛溫散之是從其體性也是知利小便則濕去熱不去若動大便尤為疎陋。蓋大便有形質之物酒者無形之水從汗而發之是為近理濕熱俱去故治以苦溫發其火也佐以苦寒除其濕也。

〔垣〕葛花解醒湯治飲酒太過嘔吐痰逆心神煩亂胸膈痞塞手足戰搖飲食減少小便不利。

青皮 三分

木香 五分

橘紅 五分

人參

猪苓

白茯苓 各一錢

神麴 炒

澤瀉

乾薑

白朮 各二錢

白芷

葛花

砂仁 各五錢

右爲細末。每服三錢。白湯調下。但得微汗。則酒病去矣。此蓋不得已而用之。豈可恃此酣飲成病。自損元氣。惟病酒者宜之。

〔聖〕治酒醉不醒。用菴萊子二合。研細。井水調服。

〔丹〕烏梅丸。治酒毒化痰消食。

烏梅

斤一

半夏

白礬

各八兩

生薑

二兩

右搗爲細末。以新瓦兩片夾定。火焙三晝夜爲度。次入神麴麥芽陳皮青皮蓬朮枳殼丁皮大腹子各四兩。糊丸。每服四五十丸。薑湯下。

〔世〕烏梅丸。治酒積神效。

方見積塊門

〔潔〕百杯丸。治酒停胸中。膈氣痞滿。面色黃黑。將成癰疾。飲食不進。日漸羸瘦。如欲飲者。先服不醉。

生薑

一斤去皮切片以鹽二兩淹一宿焙乾

橘紅

三兩

廣茂

炮三錢

乾薑

三兩

益智仁

二十粒

丁香

五十枚

甘草

炙二錢

砂仁

三十二粒

三稜

炮二錢

木香

茴香

炮各一錢

白荳蔻

三十粒

右爲末。煉蜜丸。每一兩作五丸。硃砂爲衣。生薑湯下。細嚼無時服。

〔丹〕解酒毒併熱毒。栢若本草名枳椇。北人名曰爛瓜。杭州貨賣名蜜屈律。春生秋熟。冬間經霜後取食。

〔垣〕枳朮丸。治痞積消食強胃。

海藏云本仲景枳朮湯也今易老改爲丸治之幼虛弱飲食不化或膽脾軟弱者

枳實

去穢新
妙一兩

白朮

二兩

右爲末。荷葉裹燒飯爲丸。如桐子大。每服五十丸。白朮湯下。服白朮者。本意不取其食速化。但久服令人胃氣強實。不復傷也。

麴蘖枳朮丸。治爲人強食所致。心胸滿悶不快。

神麴

炒

麥蘖

炒

枳實

妙各
一兩

白朮

二兩

右爲末。荷葉燒飯爲丸。每服五十丸。木香枳朮丸。破滯氣。消飲食。開胃進食。

木香

枳實

各一
兩

白朮

二兩

照前法爲丸服。

又方。開胃進食。

木香

錢三

人參

乾薑

各一
兩半

枳實

一兩

白朮

二兩

照前荷葉燒飯爲丸。食前白湯服三五十丸。忌飽食。

檳榔丸。消食破滯氣。

檳榔

錢三

木香

錢二

陳皮

錢五

甘草

錢一

人參

錢二

右爲末。蒸餅丸。每服二三十九丸。食前白湯下。

〔羅〕木香檳榔丸。陳三焦。寬胸膈。破痰飲。快氣潤腸。

神麴

皂角

去皮

郁李仁

去皮各一兩

杏仁

去皮尖炒

木香

檳榔

青皮

去白

枳殼

去殼炒各一兩

右爲末。再用皂角四兩。水一碗。浸一日。搽膏入熟蜜少許爲丸。桐

子大。每服五十丸。淡薑湯下。

〔丹〕保和丸。治食積酒積。

山查肉

一兩

半夏

製

蘿蔔子

炒各五錢

神麴

三錢

麥芽

炒三錢

黃連

炒半兩

陳皮

半兩

右爲末。酒糊丸服。或用神麴糊爲丸尤妙。

大安丸。脾經消導之劑。虛者宜斟酌用之。

山查

二兩

神麴

炒

半夏

製

茯苓

各一兩

陳皮

五錢

白朮

二兩

連翹

五錢

蘿蔔子

炒半兩

右爲末。神麴糊丸服。一方無白朮。

三黃枳朮丸。治傷肉食濕麴辛辣厚味之物。填塞悶亂。胸膈不快。

黃芩

二兩

黃連

酒炒

大黃

煨

神麴

炒

白朮

二兩

陳皮

各一兩

右爲末。湯浸蒸餅爲丸。如棗葶大。每服五十丸。白湯下。

〔垣〕除濕益氣丸。治傷濕。心腹滿悶。肢體沉重。

枳實炒

白朮

黃芩生

神麴炒各一兩

紅花分三

蘿蔔子炒熟半兩

右爲末。荷葉飯丸。每服五十丸。白湯下。

上二黃丸。治傷熱食痞悶。兀兀欲吐。煩亂不安。

黃芩二兩

黃連酒洗一兩

升麻

柴胡各三錢

甘草二錢

枳實炒半兩

右爲末。湯浸蒸餅丸。每服六七十丸。白湯下。

枳朮導滯丸。治傷濕熱之物。不得旋化而作痞滿。悶亂不安。

黃芩

茯苓

白朮

黃連各一錢

澤瀉二錢

枳實

神麴炒各五錢

大黃一兩

右爲末。湯浸蒸餅爲丸。白湯下五七十丸。

白朮丸。治傷荳粉濕麪油膩之物。

白朮一兩

半夏製一兩

橘紅七錢

神麴炒

枳實炒各一兩

黃芩半兩

枯白礬三分

右爲末。湯浸蒸餅爲丸。量所傷多少加減服之。如素食多用乾薑。

故以黃芩瀉之。

〔梅〕食狗肉不消。心下堅或腹脹。口乾發熱妄語。煮蘆根汁飲之。

〔干〕食魚膾及生肉在胸膈不化。必成癆瘵。搗馬鞭草汁飲之。飲生薑水亦易消。

〔垣〕半夏枳朮丸。治因冷食內傷。一方有澤瀉一兩。有小便淋故也。

半夏薑製二兩

枳實炒兩

白朮一兩

右爲末。荷葉飯爲丸。如傷食寒熱不調。每服加上二黃丸十九。白湯下。

木香乾薑枳朮丸。破滯氣。消寒飲食。

木香錢三

乾薑炮五錢

枳實炒一兩

白朮半兩

右爲末。荷葉飯爲丸。食前白湯服四五十丸。

丁香爛飯丸。治食傷太陰。又治卒心胃痛。

丁香錢一

丁香錢三

甘草炙一錢

甘松海

砂仁

益智仁各三錢

三稜炮一錢

廣茂通

香附錢五

木香錢一

右爲末。湯浸蒸餅爲末。白湯服。或細嚼亦可。

〔丹〕小胃丹

芫花好醋拌勻過一宿於瓦器內不住手攪炒令黑不令焦

大戟水煮一時洗

甘遂

濕麵裹長流水浸洗曬乾一云水浸冬七日春秋五日或用水煮亦可

黃柏炒三兩

大黃

編紙裹煨勿焦切焙乾再以酒潤炒熟焙乾一兩半

右爲末。以白朮膏丸。如蘿蔔子大。臨臥津液吞下。或白湯送下。取其隔上濕痰熱積。以意消息之。欲利空心服。一方加木香檳榔各半兩。蒸餾丸。每服七八十九。

巴豆去油

烏梅二粒

丁香三粒

胡椒五粒

右爲末。入飯同杵二三千下。爲丸如桐子大。細嚼。丁香湯下五七丸。小兒一丸。

〔仲〕備急丸。治尺寸俱盛。填塞悶亂。方見中門

〔垣〕蠲飲枳實丸。逐飲消痰。導氣清膈。

枳實炒

半夏製

橘紅各二兩

黑丑取頭末三錢

右爲末。水煮麵糊爲丸。每服五十九。食後生薑湯下。

如所傷飲食在胸腹間。兀兀欲吐。返覆悶亂。以物探吐之。甚者用

瓜蒂散。

〔仲〕人病有宿食。何以別之。曰脈浮而大。按之反瀉。尺中亦微而瀉。

故知有宿食。用大承氣湯下之。方見傷寒脈數而滑者。實也。此有宿食。

下之愈。宜大承氣湯。下痢不飲食者。宿食也。亦宜大承氣湯下之。

脈緊如轉索無常者。有宿食也。脈經云寸口脈緊。胸中有宿食不化。

〔藏〕金露丸。治內傷心痞。氣不升降。水穀不消。

大黃一兩

枳實炒五錢

桔梗二兩

牽牛二錢五分

實陽冷

右爲末。荷葉飯爲丸。白湯下三五十丸。食後常服減半。一方薑

〔垣〕木香見曉丸。治傷生冷硬物。心腹滿悶疼痛。

巴豆霜五分

京三稜錢七

神麴炒

石三稜去皮鹽各一兩

木香錢二

香附半兩

升麻三錢

草薢煨熟飯汁五錢

柴胡錢三

右爲末。湯浸炊餅爲丸。如菰荳大。每服一二十丸。白湯送下。

三稜消積丸。治傷生冷硬物。不能消化。心腹滿悶。

京三稜錢七

廣茂錢七

青皮

陳皮各五錢

丁皮

益智各五錢

神麴炒三錢

茴香炒半兩

巴豆和米皮炒焦去米

右爲末。醋麴糊爲丸。如桐子大。每服十丸至二十丸。溫薑湯下。食前服。量虛實加減。得更衣止後服。

感應丸。治中虛積冷。氣弱有傷。停積胃脘。不能傳化。或因氣傷冷。或因飢飽傷食。飲酒過多。心下堅滿。兩脇脹痛。心腹大痛。霍亂吐瀉。大便頻數。後重遲澀。久痢赤白。膿血相雜。米穀不化。愈而復發。又治中酒嘔吐。痰涎惡心。喜睡頭旋。胸膈痞滿。四肢倦怠。不思飲食。不拘新舊冷積。並皆治之。

木香

肉荳蔻

丁香各一兩半

乾薑兩

巴荳 七十箇去皮
心膜研出油

杏仁 一百四十粒
湯洗去皮尖研

百草霜 二兩

右前四味爲末。外入百草霜。研與巴荳杏仁七味同和勻。用好蠟六兩溶化成汁。以重絹濾去渣。更以好酒一升。於銀石器內煮蠟數沸。傾出。候酒冷。其蠟自浮於上。取蠟秤用丸。春夏修合。用清油一兩。銚內熬令香熟。次下酒煮蠟同化成汁。就銚內乘熱拌和前項藥末。秋冬修合。用清油一兩半同煎。煮熟成汁。和匱藥末成劑。分作小錠子。油紙裹放。旋丸服之。每三十九。空心薑湯下。神應丸治一切冷物冷水及乳酪傷。小腹痛。腸鳴。米穀不化。

巴荳

杏仁

乾薑

百草霜 各半

丁香

木香 各二錢

黃蠟 二兩

右先將黃蠟用好醋煮去渣穢。將巴荳杏仁同炒黑。烟盡。研如泥。春夏入香油半兩。秋冬入錢。溶開。下杏仁巴荳攪勻。次下木香丁香等末研勻。搓作錠子。油紙裹。旋丸。桐子大。每米飲下三五十丸。食前日三服。大有效。

雄黃聖餅子

巴荳 一百枚
去油膜

雄黃 半兩

白麪 十兩
炒又羅細

右三味。內除白麪。餘同爲細末。共麪和勻。用新水攪和。做餅如手

氣口
感緊
下宜

大以水再煮。浮於湯上。看硬軟。捏作餅子。每服五七餅。加至十餅。十五餅。嚼食一餅。利一行。二餅利二行。食前茶酒任下。

〔潔〕人之生也。由五穀之精。化五味之備。故能生形。經曰。味歸形。若傷於味。亦能損形。今飲食過節。以致腸胃不能勝。氣不及化。故傷焉。經云。壯火食氣。氣食少火。壯火散氣。少火生氣。又云。飲食自倍。腸胃乃傷。以失四時之調節。故能成病。脈在氣口。經曰。氣口脈盛傷於食。心胃滿而口無味。口與氣口同。口曰坤者。口乃脾之候。故胃傷而氣口緊盛。夫傷有多少。有輕重。如氣口一盛。得脈六至。則傷於厥陰。乃傷之輕也。枳朮丸之類主之。氣口二盛。脈得七至。則傷於少陰。乃傷之重也。雄黃聖餅子。木香檳榔丸。枳朮丸之類主之。氣口三盛。脈得八至九至。則傷太陰。填塞腸胃。則心胃大痛。備急九神保九消積丸之類主之。兀兀欲吐不已。俗呼食迷風是也。經曰。上部有脈。下部無脈。其人當吐。不吐者死。瓜蒂散主之。如不能吐。是無治也。經曰。其高者因而越之。此之謂也。備急下之亦可。

檳榔丸。治飲食過多。心腹脹悶。

檳榔 二錢

陳皮

牽牛 各一兩

木香 二錢

枳實 妙一兩

右爲末。醋糊丸。生薑湯下。三四十丸。

尺脈
絕者
當吐

煮黃丸。治飲食過多。心腹脹滿。脇肋走氣。疝癰刺痛如神。

雄黃研一兩

巴豆五錢去皮心研如泥

右入白麴二兩。同研勻。滴水丸。如桐子大。滾漿水煮十二丸。濾入冷漿水內。令沉冷。每用時用浸藥冷漿下一丸。一日十二時盡十二丸。以微利爲度。不必盡劑。

〔仲〕宿食在上脘。當吐之。宜瓜蒂散。又云凡血虛者。不可吐。

〔垣〕瓜蒂散。治大滿大實。氣上衝逆。上部有脈。下部無脈。填塞悶亂者用之。如尺寸俱盛者。宜用備急丸。

瓜蒂妙

赤小豆煮等分

右爲細末。每服二錢。溫漿水調下。取吐爲度。仲景以香豉七合。煮取汁和散一匕服之。若不至兩尺脈絕者。不宜便服。此藥恐損元氣。令人胃氣不復。若止胃中窒塞。悶亂不通。以物探之。得吐則已。如探不去。方以此劑吐之。或曰盛食填塞。胸中痞亂。兩寸脈當用事。今反兩尺脈不見。其理安在。曰胃中有食。是木鬱宜達。故探吐之。食者物也。物者坤土也。是足太陰之號也。胃中者肺也。爲物所塞。肺者手太陰金也。金主殺伐。與坤土俱在于上。而旺於天。金能克木。故肝木發生之氣。伏於地下。非木鬱而何。吐去上焦陰土之物。木得舒暢。則鬱結去矣。食塞於上。脈絕於下。若不明天地之道。

無由達此至理。水火者陰陽之徵兆。天地之別名也。故獨陽不生。獨陰不長。天之用在於地下。則萬物生長。地之用在於天上。則萬物收藏。此乃天地交而萬物通也。此天地相根之道也。故陽火之根本於地下。陰水之源本於天上。故曰水出高原。故人五臟主有形之物。物者陰也。陰者水也。右三部脈主之。偏見於寸口。食塞於上。是絕五臟之源。源絕則水不下流。兩尺脈之絕。此其理也。何疑之有。然必視所傷之物。冷熱隨症加減。如傷冷物一分。熱物二分。則用寒藥二停。熱藥一停。隨時消息。經云。必先歲氣。無伐天和。此之謂也。

〔海〕秦生好服三生茶及冷物。成積而痼寒。脈非浮非沉。上下內外按舉極有力。堅而不柔。觸指突出膚表。往來不可以至數名。縱橫不可以巨細狀。此陰症鼓擊脈也。一身流行之火。萃於胸中。寒氣逼之。故搏大有力。與真武四逆理中等湯丸。佐以芍藥茴香。使不僭上。每日服百丸。夜八十九。至夜出汗而愈。

〔潔〕既有三陰可下之法。亦必有三陰可補之法。予故云。內傷三陰。可用溫劑。若飲冷內傷。雖云損胃。未知色脈各在何經。若面色青黑。脈浮沉不一。弦而弱者。傷在厥陰。若面色紅赤。脈浮沉不一。細而微者。傷在少陰。若面色黃潔。脈浮沉不一。緩而遲者。傷在太陰也。如

傷在厥陰肝之經。當歸四逆湯加吳茱萸生薑湯之類主之。方見傷寒

傷在少陰腎之經。宜服通脈四逆湯。方見傷寒 傷在太陰脾之經。理中

丸湯主之。大便軟者宜湯。結者宜丸。方見傷寒

〔海〕唐臣嗜冷食。遂成陰症。脈遲七八至。一止後僅三至。予亟與溫

劑數服。四五日不解。遂續進三服。一日脈生。大汗而解。

〔羅〕陰氣者。靜則神藏。躁則消亡。飲食自倍。腸胃乃傷。謂食物無食於多。貴在有節。所以保冲和而遂頤養也。若貪多務飽。飢塞難消。徒積暗傷。以召疾患。蓋食物飽甚。耗氣非一。或食不下而上湧。嘔吐以洩其元。或飲不消而作痰。咯唾以耗神水。大便頻數。而洩耗穀氣之化生。洩便滑利。而濁耗源泉之浸潤。至於精清冷而下漏。汗淋漓而外洩。莫不由食物過傷。滋味太厚。如能節滿意之食。省爽口之味。當不至於飽甚。即頓頓必無傷物。物皆為益。津液內蓄。精華和凝。邪毒不能犯。疾痰無由作矣。

胎前傷食

〔本〕治婦人有孕傷食。宜服木香丸。

木香

錢二

三棱

白茯苓

人參

各三錢

右為末。麪糊丸。每服三十丸。熱湯下。

治妊娠氣不和調。飲食少味。宜服白朮散。

白朮

紫蘇各一兩

白芷

人參

訶子皮

川芎

青皮各半兩

甘草一錢

右爲末。每服二錢。水一盞。薑三片。煎至七分。不拘時溫服。妊娠

傷食。又當於前條傷飲食之輕劑參酌用之。

經云。飲食自倍。腸胃乃傷。又云。陰之所生。本在五味。陰之五官。傷在五味。若妊娠飲食不節。生冷毒物。恣意食啖。致脾胃之疾。故妊娠傷食。難得藥效。惟此二方穩便。

百病皆生於痰

傷飲

〔仲〕有痰飲。有懸飲。有溢飲。有支飲。其人素盛今瘦。水走腸間。漚

漚有聲。謂之痰飲。病痰飲者。當以溫藥和之。又云。心下有痰飲者。苓桂甘朮湯主之。飲後水

流在脇下。咳唾引痛。謂之懸飲。病懸飲者。十棗湯主之。方見傷寒。留飲者。

脇下痛引缺盆。咳嗽則轉甚。胸中有留飲。其人短氣而渴。四肢歷

節疼。脈沉者有留飲。飲水流行歸於四肢。當汗出而不汗出。身體

疼重。謂之溢飲。病溢飲者。當發其汗。大青龍湯小青龍湯主之。二方並見傷寒。

咳逆倚息。短氣不得臥。其形如腫。謂之支飲。人咳數年。其脈弱

者可治。實大數者死。其脈數者。必苦冒眩。其人本有支飲在胸中故

也。治屬飲家。支飲亦喘而不能臥。加短氣。其脈平也。水在心。心

下堅築短氣。惡水不欲飲。水在肺。吐涎沫。欲飲水。水在脾。少氣

身重。水在肝，脇下支滿，噯而痛。水在腎，心下悸。

嘔吐是水飲在心脇。仲景云：嘔吐心下痞者，胸中有水，宜半夏茯苓湯主之。又云：嘔家本渴，今反不渴，心下有支飲故也。小半夏湯主之。

又云：先渴却嘔者，水停心下。小半夏加茯苓湯主之。羅謙甫云：痰飲

爲患，或嘔吐惡心，或頭眩心悸，或半身不快，或爲寒熱，並二陳湯主

之。方見丹溪後門眩悸是飲。仲景云：卒嘔吐，心下痞，眩悸者，膈間有水，半夏

加茯苓湯主之。方見嘔吐又云：瘦人臍下有悸，吐涎沫而顛眩者，此水也。

五苓散主之。方見嘔吐又云：胸滿目眩者，苓桂甘朮湯主之。方見短氣又云：心

下有支飲，其人苦冒眩，澤瀉湯主之。方見眩暈

〔仲〕膈上病痰滿喘咳吐，發則寒熱背痛腰疼，目泣自出，其人振振

身瞤，劇必有伏飲。方見短氣脈大，心下有留飲，其人背寒冷。病人臂不

時疼痛，其脈沉細，非風也，必有飲在上焦。其脈虛者爲微勞，營衛氣

不和故也。久久自瘥。張仲景云：不虛按，延丹。胸滿是飲。仲景云：支飲胸滿者，厚朴

大黃湯主之。方見短氣又云：心下有痰飲，胸脇支滿，目眩，苓桂朮甘湯主

之。方見短氣

渴燥是水飲在腸胃所生。仲景云：渴而小便不利，宜五苓散主之。

又云：先渴却嘔者，爲水停心下。小半夏加茯苓湯主之。又云：腹滿

口舌乾燥，此腸間有水氣，防椒薤黃丸主之。但因水所在之處不同，